


國朝畫徵續錄

本庄

413
990



門 4 13
號 990
卷

國朝畫徵續錄

花房仙大郎氏寄

秀水張 庚浦山著

析津胡振組 韭溪校

卷上目次

黃宗炎

黃向堅

姜實節

文從簡文 柵文 揆文 定

水珏

陳應麟

趙勺

呂潛

郭士瓊

李國華 徐鼎 姚學灝 陳景附

王樹穀

游士鳳 蔡澤附

周荃

國朝畫徵續錄目次

國朝畫徵續錄目次

宋犖

毛奇齡附

黃甲雲

文命時吳秋聲黃筠菴

顧文淵姜漁

虞沅高翔

武丹左楨朱虛

程勞

邵點邵應闡

錢黯徐本潤附

下久下祖隨徐璋余穎

馬世俊吳穎宋鬯同

汪文柏

許慧

顧藹吉勞澂

程鳴

馬驥

程琳朱山

汪泰來汪繹辰張永祚

附

玠附

羅烜

高鳳翰

沈白沈廷瑞

虞景星

程林程泰京

佟毓秀朱方

圖清格

邊壽民張雨鮑元方

張御乘嚴英茅麀

唐岱周鯤余省陳善郎

世寧穆僖附

湯祖祥周士標

朱倫瀚

李山楊泰基附

謝淞洲

沈永年

袁江陳枚賀金昆陳桓

陳桐

李方膺劉乃大

帥念祖

張若靄

卷下目次

張雍敬

方士庶

華崑

蔣溥錢載

鄒一桂

董邦達錢維城

袁舜齋周思濂

張宗蒼張述渠

鄭燮

張棟張紉苴張肩沈永

令沈此懋顧卓附

張乙僧金勛汪士慎

錢大年史嗣彪

姜恭壽史鳴臯

曹源弘曹相文

戴古巖吳生附

易祖栻

黃壁

錢界

朱雲燦朱雲燦劉塞翁附

鮑楷

金農

汪溥胡奕烜

沈映暉沈承煥

釋道濟

釋普荷

釋輪菴于宋

釋成衡

釋上睿梵林附

釋明中名一附

閨秀金淑脩

閨秀文俶趙璐附

閨秀馬荃

閨秀蔡含金曉珠

閨秀王正卞氏附

閨秀俞光蕙

閨秀惲冰

閨秀孔素英

閨秀丁瑜

閨秀姜桂

閨秀汪亮

閨秀鮑詩

國朝畫徵續錄

秀水張 庚浦山著

析津胡振組 韭溪校

黃宗炎

黃宗炎字晦木一字立谿人稱鷓鴣先生餘姚人忠端公次子梨洲先生弟也崇禎貢生畫江之役兄弟步迎監國事敗入四明參馮侍郎京第軍事軍覆隱於白雲莊亂定遊石門海昌間賣畫以給畫宗小季將軍趙千里工繆篆文善製硯所著有周易象詞尋門餘論學圖辨惑

黃向堅

黃向堅字端木吳人父孔昭以孝廉作宰滇中姚江道梗不得歸向堅徒步往尋涉歷艱險周徧於搖撞之地跣足黧面至白鹽井始遇二親蓋自順治八年十二月出門至十年六月歸里承歡凡二十年父母歿負土營葬不再期得疾以歿世稱完孝好事者譜黃孝子尋親傳奇至今世多演之孝子善畫所寫皆其所歷滇中山水余於汪念翼收藏見其鶴慶府鳴鳳山圖乾筆蒼秀略得黃鶴山人意畫筆既可賞又出自至性人之手尤當珍重矣。

姜寔節

姜寔節字學在號鶴澗萊陽人前明禮科給事中採子採崇正末建言得罪廷杖謫戍宣城衛鼎革南都再建弟行人塚亦奔赴馬阮羅織必欲殺其兄弟亡命浙東後寄居於吳遂為吳人學在工詩善書畫山水樸法雲林涉筆超雋為時所重晚年建一姜先生祠於虎邱又築諫草樓於祠後為棲息所足不入城市人稱鶴澗先生。

文從簡文枬文揆文定

文從簡字彥可晚號枕煙老人待詔曾孫蘇州府學廩

膳生善書畫傳其家法而少變書則兼李北海畫兼雲
林叔明崇正庚辰廷試貢士例得學博不赴選人卒於
國朝順治五年子柎孫揆柎字文端號慨菴長洲學生
畫山水一稟祖法所著有青氈雜誌揆字日賓號古香
山水法倪黃兩家不多作所著有十二研齋詩集行世
又族人定字子敬後名止字止菴善花鳥與王勤中齊
名

宋珏

宋珏亦作穀字比玉莆田人前明國子監生善畫其臨李
伯時輞川圖長卷不設色山石縱筆作摺帶皴不拘拘

於法余不得見李原本比玉所撫或稍變通未可知因
所曾見李畫無此種筆法也至圖中諸景位置前後與
右丞原本不同大抵伯時先有變通矣然比玉能脫盡
畫史習氣自是士人高致其寫松樹尤秀絕比玉工詩
稱之王阮亭漁洋詩話亦歎其小詩工絕

陳應麟

陳應麟字璧山江陵人父死明季難應麟入國
朝孑然終身賣畫以給專工蘆雁遂成絕藝

趙甸

趙甸字禹功會稽人家極貧學畫以養親藝絕丁時稱

國草書後錄金
趙孝子長遊戴山劉氏之門丙戌後立高節隱於緇賣畫以活世所稱壁林高士畫者也晚年講學於爾山生徒甚盛

呂潛

呂潛字孔昭號半隱遂寧人崇禎癸未進士官行人善花草用筆放縱而不越矩矱神氣清朗可賞性曠達淡於仕入國朝遂不出以詩畫娛老有懷歸草堂守閒堂課耕樓三集

郭士瓊

李華國徐鼎姚學灝陳景附

郭士瓊字非赤號滌山老人江陵人善山水筆力蒼勁

長於巨幀長卷為人間靜寡營卒年九十餘同里李華國字西池號竹溪老人康熙初年武探花及第不能挽強放歸善山水名於時性情樂易與人無迕卒年亦九十餘兩人皆師徐鼎鼎國初官司馬又姚學灝陳景亦以畫名學灝字天如善墨蘭工詩有詠竹百首景字借山善畫牛人爭稱之

王樹穀

游士鳳蔡澤附

王樹穀字原豐號無我又號鹿公又自號文外布衣仁和人題其所居曰栗園工人物筆法出於陳洪綬而得其清穩所謂善學柳下惠也衣紋秀勁設色古雅一時

工人物者無能出其右也。乾隆十六年余遊武林於友人齋見其團扇士女圖按所題作圖歲月余年已三十有九可及見其人而不得見。又二十八年始見其遺筆而想見其為人因急錄之。後又見一冊風致俱不同其圖章有慈竹君笨出一笑先生時有游士鳳者號雲子汧陽人亦善人物聲聞楚中有呂仙像關夫子像石刻行世與郭天門交好蓋有學行者。又江寧蔡澤字蒼霖善人物兼長山水花草亦國初好手。

周荃

周荃字靜香號花谿老人長洲人。大兵下江南荃首

爲尚道以功授開封府知府遷觀察使善山水花草各得大意小幅及冊頁筆趣尤敏妙動人題句書法皆有生氣其圖章有齊楚觀察。

宋犖

毛奇齡附

宋犖字牧仲號漫堂商邱人相國文康公權子以蔭入仕官至大冢宰博學工詩古文有西陂類彙行世嗜古精鑒賞嘗自言暗中摸索可別真贋收藏甚富一時以畫名家者悉羅致於家出其所藏屬撫副本極爲盛事耳濡目染遂得畫法嘗寫水墨蘭竹小幅踈逸絕倫非丹青家所能窺也湯西崖題詩云竹箭美必採澤蘭香

宣統公乎鎮東南空谷無幽人偶然託墨妙寫此平生親咨嗟魏公儔小筆乃爾神公前撫豫章後撫江蘇拭拔名士禮遇而資之湯詩假圖頌德洵實錄也同時蕭山毛檢討奇齡亦善畫嘗為姚士重作梅又為駱明府夫人作麻姑見西河集詩及跋筆墨未之見

黃甲雲

黃甲雲字唱韓河南人有異才學不甚富而於所誦習者必潛心搜討弗徹弗休工書善畫圖繪寶鑑稱其用筆不亞唐宋余嘗見其所寫山水不專宋法純以天行當其合處機趣橫生矣順治間以拔貢授樂安縣知縣

莅任後相其土田作印田法繪印法圖若干畝為一印內除川陸墳墓道路若干餘田若干比印以盡一邑之田庶田無隱而賦可均上之太府太府以聞天子奇之圖畱覽特設屯田御史依法盡畫山左地會世祖晏駕御史以才長性刻遂罷歸屏居城東之班城親督耕桑暇以筆墨遣興所作郊風盛衰循環諸圖多依理道工詩有楚遊草

文命時吳秋聲黃筠菴

文命時江都人工墨蘭以瘦筆乾墨運以中鋒秀勁拔俗花藥踈朗別具神韻展玩時令人有世外之思洵士

人之高致也。同里吳秋聲號同柏。工墨竹。得梅道人法。一遵成範而不流於板。當與命時伯仲。又有黃筠菴者。工畫石。嘗見其小方幅。以淡墨作瘦石。不用渲染而凹凸自具。題云宋高宗御題石。蓋有所本也。

白苧村桑者曰水墨蘭竹之法。至近日不可問矣。然操管者人人自謂蘭出鄭趙。竹出文吳。世亦從而和之。不知蘭葉柔弱而光滑。竹葉散碎而欲脫。至其觀貼坡石。一味杜撰。即或時日可蒙。而欲邀賞家一盼。斷不能也。因思三家之法。能會而出之。不必誇詡。仿古已足成家法矣。故彙記之。

顧文淵姜漁

顧文淵號雪坡常熟人。能詩文。善山水。與華羲逸同學。筆墨亦相類。同里姜漁字松山。畫山水得元人意。最宜小幅及冊頁。疎秀可喜。

虞沅高翔

虞沅字晚之。江都人。善花草翎毛。勾染工整。賦色妍雅。得古人遺法。至今賞鑿家爭重之。同郡高翔字鳳崗。號西唐甘泉人。善山水。撫法漸江。又參石濤之縱恣。亦善於折衷者。能詩。工繆篆。刀法師。程穆倩。諸藝均可觀。惜皆於近人問途。徑不若晚之之有撫古耳。

武丹左楨朱虛

武丹字衷白左楨朱虛三人不知何許人皆善山水丹筆清韻自喜楨筆有郭河陽風味虛筆結構緊密

程澇

程澇字箕山號岸舫北平人順治己丑進士善山水老筆灑落布置整而厚

邵點邵應闡

邵點字子與一字初菴吳縣人善山水能詩有四可齋集子應闡字斯熊號澹園工山水閱其世業而深之以學力居然參作家之座蓋王翬之亞也又善寫真

錢黯徐木潤附

錢黯字長孺號書樵嘉善人順治間進士池州府司李山水學大癡不落畫史臨摹習氣而自具真意其同里徐白峯名本潤號松谿邑諸生亦以山水名

卞久卞祖隨徐璋余穎

卞久字神芝號大拙婁縣人子祖隨字虞逸工寫真神芝為之補圖同郡徐璋字瑤圃寫真不獨神肖而筆墨烘染之痕俱化補圖亦色色可觀不愧沈韶高弟遊都門名甚重康熙中祇候內廷時廣東海陽人余穎字在川工寫真大得曾鯨之妙

馬世俊吳穎宋垚同

馬世俊字章民號甸臣溧陽人順治戊戌狀元善山水好作巨障不專師法而自出杼軸聳拔奪目同里吳穎字見末號長眷順治間進士山水與甸臣同聲於時又有宋垚同者歲貢生寫意花草筆致天成兼善法書

汪文柏

汪文柏字季書號柯庭休寧人占籍桐鄉工詩善墨蘭雅秀絕俗點綴坡石亦落落大方洵士夫逸致官司城頗著循聲然性好習靜三載即致政歸里晚年手定詩題曰柯庭餘習蓋所學崇本也朱竹垞太史序之又撰

有聲譽上
脫十數字

杜韓集韻若干卷其族人

有聲譽

白苧村桑者曰柯庭畫不輕作故流傳少其孫念翼出所藏遺墨小冊僅兩頁後附宜山所題絕句屬余跋始得見之亟為著錄宜山姓盛氏名遠字鶴江號宜山居士吾里高尚士也築瓣香菴於南湖之濱棲息以老竹垞題其生壙無子詩稿散佚今菴亦毀念翼嘗過其地憑弔蓋念先人交好也可感已

許慧

許慧字念因號笑仙秀水人業醫善寫意花草其用筆

合山泉舜舉而自成一家者。疏老可嘉。每寫長草葉。好作一轉若結者。頗有別致。點綴草蟲亦生動。

顧藹吉勞澂

顧藹吉字晚先後改字天山號南原。吳縣庠生。山水宗法元人。遊京師。為宋駿業王原祁稱賞。以貢生纂脩得官。終於儀徵學博。精繆篆。工八分書。著隸辨行世。同里勞澂字在茲亦善山水。與藹吉同稱於時。

程鳴

程鳴字友聲號松門。歙人。占籍儀真。補庠員。善山水。學於苦瓜和尚。乾筆枯墨。運以中鋒。純以書法成之。不加

渲染蒼雅可賞。蓋所學在和尚。又參以程穆倩也。著名江淮間。詩出漁洋山人之門。漁洋嘗云。松門詩名為丹青所掩。

馬驥

馬驥江西人。工山水。有元人矩矱。用筆細秀。氣味古逸。不可沒也。驥曾為揚州司馬。故和上猶有遺蹟。

程琳朱山

程琳字雲來。歙人。徙居嘉興。善花草。尤工水墨牡丹。今遺蹟甚少。前大中丞程元章購之甚切。僅得三四幅。近日烏程朱山亦工水墨牡丹。用墨朗雋。英英奪目。兼寫

山水亦雅韻。乾隆辛未進士。睢州蔣禮部蔚分校南宮。所得士也。

汪泰來汪繹辰

張永祚附

汪泰來字陞交新安人。占籍錢塘。

聖祖南巡試詩賦第一。著聲於吳。康熙辛卯舉人。壬辰欽賜進士。授中書入內廷纂修善花草。在白陽青藤之間。尤長松石。子繹辰字陳也。杭郡庠員。世其學。同里張永祚字景紹善山水。其所學專精天文。入欽天監食俸。

莽鵠立王斌王肇基

金玠附

莽鵠立字卓然。滿洲人。官長蘆鹽院。工寫真。其法本於西洋。不先墨骨。純以渲染。皴擦而成。神情酷肖。見者無不指曰。是所識某也。弟子金玠字介玉。諸暨人。

白苧村桑者曰。寫真之法。閩中曾鯨氏墨骨為正。江左傳之。第授受既久。流落俗工。莫有能心悟以致其功者。故徒法雖存。而得其神者寡。反遜西洋一派矣。猶作文者偏鋒易勝也。近日吾禾梅會里王斌字師周。曾為余寫戴笠小照。甚肖。筆意淡遠。子肇基號鏡香。傳其業。力欲復古。志士也。

朱雒模王侃

朱雒模字阜亭號南廬錢塘人善山水乾隆十九年年九十有六猶不倦點染與王侃均屬熙朝人瑞侃字聲偉秀水人年九十餘猶能畫龍水大幀南廬所著有農政證治醫書各若干卷侃子德普見前錄

羅烜

羅烜號梅仙又號鋤璞道人江西人飯牛後也山水傳其家法僑居金陵年八十餘猶操筆賣畫以供晨炊人皆羨其精力余獨閔其境遇之窮

高鳳翰

高鳳翰字西園號南村晚年自號南阜老人嘗自稱老

阜膠州人雍正五年以生員舉孝友端方任歙縣丞被劾去官後病痺右臂不仁書畫遂以左手感前人鄭元祐尚左因更號後尚左生其畫山水縱逸不拘於法以氣勝善草書圓勁飛動性豪邁不蓄一錢嗜硯收藏至千餘皆自銘大半手琢著有硯史曾遊吾禾主馮司寇景夏司寇牧膠時舊識也乾隆癸亥年六十一自為生壙誌其銘曰知其生何必知死見其首何必見尾嗟爾生事類如此馮景夏見前錄

沈白沈廷瑞

沈白字黃園華亭人文恪公荃弟善山水運筆縱橫疏

快有別趣。又宣城布衣沈廷瑞字樗崖號頽仙翁生先生孫。山水筆意踈落。其大致似取法於石田者。畫松尤工。詩亦豪放。年八十餘猶能遊。

虞景星

虞景星字東臯金壇人。康熙進士。初仕上虞縣知縣。改吳縣教諭。工山水尤長於松。虬枝密葉燦然可觀。年八十五六體氣彌健。爲人古心古貌。士林欽重。兼善法書。有客持扇一面錢香樹司寇所書。一面爲余畫東臯見香樹書假玩良久。曰用筆深合古法。不獨我吳所少。恐浙中亦不能兩語畢。轉扇見畫。卽擢之曰。我且攜

去。明日奉趙何如。客諾。越二日不至。往索。東臯手扇出曰。畫甚佳。我意欲加一二筆。故假歸。及細閱三日。愈見其厚無可加也。復指遠山一筆曰。此真仙筆。世史安知如此。收束復曰。是扇書畫俱佳。當寶藏之。明年客過我語之。余聞之甚愧。然不能不深知已感也。因識之。

程林程泰京

程林字周卜號青壑新安人。占籍丹徒。善山水。不喜設色。宗人泰京字紫晉號了鹿山樵。占籍浙江中乙榜。山水學元人。亦不喜設色。兼善草書。白苧村桑者曰。畫繪事也。古來無不設色。且多青綠金

粉。自王洽潑墨後。北苑巨然繼之。方尚水墨。然樹身屋
宇。猶以淡色渲暈。迨元人倪雲林吳仲圭。方方壺徐幼
文等。專以墨見長。殊不知雲林亦有設青綠者。畫圖遺
興寧有定見。古人云。墨暈既足。設色亦可。不設色亦可。
誠解人語也。

佟毓秀朱方華

佟毓秀字鍾山。滿洲人。甘肅巡撫善山水。法元人。率筆
又有太醫院吏目朱方華號雷田。錢塘人。亦以率筆寫
山水。各自標其逸趣。

圖清格

圖清格字牧山。滿洲人。以草書法寫菊花。蓋不屑隨人
步趣。而自闢一徑者也。官大同府太守。親喪廬墓。築丙
舍於西山。孝行可風。

邊壽民張雨鮑元方

邊壽民字頤公。淮安人。善潑墨。寫蘆雁。江淮間頗有聲
譽。嘗語其友人王孟亭曰。我以畫為活。今年六十。老將
至矣。為置一篋。外圓內方。虛其腹。封而竅之。及吾手能
為時。得佳者。入竅而實。諸以備我老。名弄篋。孟亭為文
記之。其論畫云。畫不可拾前人。而要得前人意。名言也。
又有張雨者。亦江北人。亦能潑墨。惜兩人用墨皆溲。以

膠不能不減價矣。又有鮑元方者，江寧人，寫生亦豪邁自喜。

張御乘巖英茅麀

張御乘字駕六號適園烏程人。工花鳥筆有異致。嘗入都作河清海宴圖。公卿有欲薦之者。謝去。歸老於家。同里嚴英字卧山山水得小米法。尤工松竹。為人性癖。終身不娶。晚歲倦遊。結廬依墓田以老。又有茅麀亦善山水。三人皆吳興一時之有聞者。

唐岱周鯤余省陳善即世寧穆僖附

唐岱字靜巖滿洲人。內務府總管。工山水。用筆沉厚。布

置深穩。得力於宋人居多。能品也。祇候。內廷今

上賞之蒙。恩品題最多。詩載。樂善堂集。恭錄題于

山落照圖一章。

我愛唐生畫。屢索意未已。昨從街市中。購得澄心紙。好趁靜室間。為我圖山水。著墨濃淡間。萬壑秋風起。水亭跨明波。磴道延步履。斜陽映天末。咫尺有萬里。冥對意彌遙。煙浮暮山紫。位置倪黃中。誰能別彼此。恭讀一過。足以得其畫之佳致矣。而冥對兩言。神味清杳。更可想。是圖落照之妙。又有周鯤善山水。余省字曾二善花鳥。與岱同直。內廷其畫皆藏。石渠寶笈。樂善堂集。

有題郎世寧寫生題穆儂松石長春松亭雲岫等圖兩人筆墨未之見附記其名訪之岱弟子陳善大興人山水多焦墨印壑亦深邃

湯祖祥周士標

湯祖祥字充問武進人康熙間以國子監生充銅版館編纂古今圖書集成善畫花卉得蔣南沙法賦色妍淨折枝小幘尤佳同郡周士標字登凡宜興人工花鳥有法度

朱倫瀚李山楊泰基附

朱倫瀚明宗室八國朝隸旗籍善指頭畫得其舅氏

高且園法一印一壑雖奇自正設色冲淡而氣厚喜作巨障近白指墨甚眾要以倫瀚為優官御史錢塘李山平湖布衣楊泰基字瞻古號海農皆擅是藝亦有佳致

謝淞洲

謝淞洲號林村長洲人詩宗西崑書學倪黃後兼宋人筆意疎爽有法則精鑒別古法書名繪與金玉磁器雍正初特旨召入命其鑒別內府所藏之真贋因進所畫山水

世宗嘉之畱一載以疾罷歸

沈永年

沈永年字青原號息非華亭人善山水得元人意精醫學待_ス內廷大醫院使倚重之旋歸里年六十七無疾跌坐而逝_ス

袁江陳枚賀金昆陳桓陳桐

袁江字文濤江都人善山水樓閣中年得無名氏所臨古人畫景遂大進

憲廟召入祇候陳枚字殿掄松江人善人物山水花鳥得宋人法遊京師入內務府供事_ス內廷又有賀金昆錢塘人武解元善人物花草_二召入供事枚兄桓號石鶴山水善用墨弟桐號石生寫意花果尤工蟬翼

李方膺劉乃大

李方膺字虬仲號晴江南通州人善松竹梅蘭及諸小品縱橫排奐不守矩矱筆意在青藤竹憨之間雍正間以諸生保舉爲合肥令有惠政入德之去官後窮老無依益肆力於畫以資衣食寓金陵最久時以諸生保舉者有劉乃大字有容山陽人知郟縣遷忠州牧以征苗軍功題陞成都府蒞任數月卒善山水率筆圓勁豪邁自喜

帥念祖

帥念祖字宗德奉新人以禮科給事署陝西布政司使

以指頭墨作花草間寫山水

張若靄

張若靄字晴嵐桐城相國廷玉子翰林院編修累遷通政司工花草嘗見其折枝荷花賦色沉穠清艷而寫葉純以墨染亦舊法也惜早世未得大成錢坤一云晴嵐畫誠佳第每幅若有未完者此所以不永其年歟

施心傳

施心傳字結如寧化人好學工文詞善山水得雲林筆法頗自矜重不妄與人作若富貴人往求尤嚴謝之當蒼松白雪清風皓月之時僧人飲以往茗出素紙案上

不自覺其興發吮筆點拂豐豐不倦同里雷翠庭副憲云施先生性狷潔與家君交最善每同構文日當亭午市豆餅充饑而已

國朝畫徵續錄卷下

秀水張 庚浦山著
析津胡振組 韭溪校

張雍敬

張雍敬字珩珮號簡菴秀水布衣家新塍鎮善草蟲布
置花草本宋人勾染法工細多致工制舉文不遇精究
天文歷律之學著定歷玉衡十八卷始與吳江王寅旭
相稽考繼證之宣城梅定九竹垞朱氏序之其宣城遊
學記稼堂潘氏序皆極推重詩有環愁草靈鵲軒等集
畫筆其餘技也然猶工細若是可知其學之專者矣

方士庶

方士庶字循遠號小獅道人新安籍家於維揚能詩工畫山水受學於黃尊古用筆靈敏氣暈駘宕早有出藍之目誠為近日僅見惜中壽而歿使假以年何難參二王之席其詩友閔玉井論其畫云觀循遠少作似不得有今日之造詣其精進在四十以後也

白苧村桑者曰余前過邗江見循遠筆已心儀之然不多見今重過之循遠已歿因徧覓遺蹟觀之大小幅皆入妙品當其得意處墨情筆趣杳渺難名命觀者神往余前錄以南華為藝苑後勁蓋未見循遠也

華崑

華崑字秋岳號新羅山人閩人僑居杭州善人物山水花鳥草蟲皆能脫去時習而力追古法不求妍媚誠為近日空谷之音其寫動物尤佳山水未免過於求脫反有失處能詩亦古質客維揚最久晚年歸西湖卒於家年望八矣

蔣溥錢載

蔣溥字質甫號恒軒文肅公廷錫長子前錄見雍正庚戌傳臚工花卉得其家法隨意布置自多生趣供奉內廷畫幅歲時經進今官戶部尚書協辦太學士門下

士錢載字坤一號擇石前明以貢生劾魏璫十大罪錢嘉徵之裔孫穎敏好學工詩善寫生遊都門恒軒為其子延主師席因得親其點染筆法益進乾隆壬申傳臚翰林院編修

鄒一桂

鄒一桂號小山無錫人雍正丁未進士入翰林改侍御今官內閣學士兼禮部侍郎工花卉分枝布葉條暢自如設色明淨清古冶艷暉南田後僅見也淡邀睿賞題詩榮之詩載樂善堂集一桂嘗作百花卷每種賦詩一絕進呈

皇上亦賜題絕句百篇一桂復寫一卷恭錄

御製於每種之前而書已作於後藏於家少司寇錢香樹嘗偕小山遊盤山時杏花盛放香樹出藏紙索寫盤山杏花圖小山即於花下點染屋宇垣墉山嵐花氣一入妙人皆知其花草之工不知其山水之佳著之

董邦達錢維城

董邦達字孚存號東山富陽人雍正癸丑進士入史館善山水取法元人善用枯筆勾勒皴擦多逸致近又參之董巨天姿既高而好古復篤自然超軼深為今上所賞今官吏部左侍郎侍直內廷錢維城號稼

軒武進人。乾隆乙丑狀元。官翰林院修撰。累遷工部右侍郎。待直。內廷山水印壑幽深。氣暈沉厚。迥不猶人。其座右錢香樹云。稼軒自幼出筆老幹。秀骨天成。通籍後。又得力於東山者也。

袁舜裔周思濂

袁舜裔號石生。祥符人。善書畫。其寫山水墨竹。不事摹倣。自成家法。以孝廉官平原令。廉靜愛民。有惠政。以至誤去閉戶。不與外事。詩畫自娛。桑菽甫主。大梁書院講席。不妄交一人。惟石生契合。時余客大梁。因菽甫交之。石生同郡周思濂。字靜夫。儀封人。善山水。曾見其為余

老友襄城劉庶常青芝之作江村草堂圖。疏曠雅淡。時官禮曹。

張宗蒼張述渠

張宗蒼字默存。一字墨岑。號篁村。吳縣人。善山水。出黃尊古之門。用筆沉着。山石皴法。多以乾筆積累。林木間亦用淡墨。乾擦湊合。神氣頗覺葱蔚可觀。以主簿銜理河工事。乾隆十六年。恭遇

聖駕南巡。宗蒼以畫冊進呈。蒙恩賞錄。卽命入都。祇候。內廷十九年。特授戶部主事。時年將七十。踰年。以老告歸。卒於家。姪述渠字筠谷。邑庠生。亦善山水。

筆甚老秀。

白苧村桑者曰黃尊古筆墨老幹氣味古茂。蓋得法於麓臺也。近日尊古遺蹟淮揚間甚重。人爭購之。第用筆過重。未免有窒滯處。然甜賴之氣自不能犯。其筆端余更有說。向見麓臺秋山晴爽圖卷。其自述作法。有筆端金剛杵之語。恍然有會。因歎公之祕妙。不惜道出。示人自是頗有進境。後見大癡秋林書屋圖。其勾勒石骨。運筆極細而軟。皴擦輕淡而簡。若毫不致力者。而設以淺絳烘以墨青水。其氣暈穠深沉厚。遠觀彌湛。覺嵐光林靄蒼然欲滴。乃知金剛杵之言不盡然矣。其云金剛杵

者。蓋言筆力堅重若魯公書入木三分也。學者猶有致力之處。秋林書屋則一片神行無從措手。昔人題畫詩有云。吾聞老子能嬰兒。乃是至人神化時。此之謂矣。爲拈出質諸精於六法者。

又曰古人畫山水多溼筆。故云水暈墨章。與乎唐代迄宋猶然。迨元季四家始用乾筆。然吳仲圭猶重墨法。餘亦淺絳烘染。有骨有肉。至明董宗伯合倪黃兩家法。則純以枯筆乾墨。此亦晚年偶爾率應。非其所專。士夫便之。遂以爲藝林絕品。而爭趨焉。雖若骨幹老逸而氣暈生動之法。失之遠矣。蓋溼筆難工。乾筆易好。溼筆易流。

於薄。乾筆易於見厚。溼筆渲染費功。乾筆點曳便捷。此所以爭趨之也。由是作者觀者一於耳食。相與侈大矜張。遂盛行於時。反以溼筆為俗工而棄之。過矣。余嘗見明止仲題畫詩。北苑貌山水。見墨不見筆。繼者惟巨然。筆從墨間出。始悟古人授受得力之微。蓋北苑骨藏於肉。巨然於肉透骨。後之學者以骨易見。筆肉難徵。墨由是肉漸消而骨加出。訖於今有過於尚骨者。幾成髑髏矣。尚得謂之畫哉。余初亦尚乾筆。及知乾溼互用之方。而年邁氣衰不能復力。深為悵恨。麓臺晚年深好梅道人墨法。蓋亦有會於董源矣。後之學者有志復古。當不

河漢余言。古詩云山路元無雨空翠溼人衣杜詩碧山猶溼可知古人用筆用墨之妙荆浩詩筆尖寒樹瘦墨淡野雲輕則又知點綴渲染不在多着力矣

鄭燮

鄭燮號板橋乾隆丙辰進士興化人工詩詞善書畫長於蘭竹蘭葉尤妙焦墨揮毫以草書之中豎長撇法運之。多不亂少不踈脫盡時習秀勁絕倫書有別致詞亦不屑作熟語為人慨忼嘯傲曾知山東濰縣事以病歸遂不復出

張棟張紉苴張肩 沈永令沈屺懋顧卓附

張棟字鴻勳號玉川吳江人邑諸生家於鶯脰湖之濱

博學工詩文。畫筆私淑麓臺。專用乾筆。不喜設色。乾隆十六年。兩浙雅中丞聘纂。南巡盛典。子紉。苴字芬揚。亦好六法。筆致疏秀。所至正未可限。其先同里。以畫名者。有張肩沈永。令沈屺懋。顧卓肩。善墨竹。堅勁森密。永令字。聞人順治戊子。浙江乙榜。官韓城。今調高陵。善寫葡萄。松鼠。屺懋字樹奇。善松竹。好作大幅。卓字爾立。花草得白陽法。康熙初遊京師。為宗室紅蘭主人所賞。引置賓榻。即從主人學詩。詩情淡逸。主人梓玉池生詩。稟附卓詩一卷。以布衣而與賢主同集。時人榮之。

張乙僧金勛汪士慎

張乙僧字西。又嘉定人。邑庠員。工花草。取致雅逸。尤長墨梅。時有專工墨梅者。休寧金勛字達三。號雪圃。筆力老幹。脫去時習。以質遷往來四方。行笈中貯名人筆墨。暇即展玩。興至即畫。遇投契者贈之。非其人。不輕與片紙。同郡汪士慎字近人。亦善墨梅。筆致疎落。家維揚。白苧村桑者曰。墨梅宋楊无咎。徐禹功皆工。无咎盛稱於後世。然真蹟流傳絕少。惟轉相摹仿者。千花萬蕊。即云其法也。元吳仲圭倪元鎮亦善之。倪則獨以瘦枝疎花見意。深得梅之神韻。而仿之者反無火。明沈石田常為之。近日工是藝者甚夥。無論其法。楊法吳皆以古幹

屈盤爲主。技則過於橫斜。交加花必繁縟。以爲能不知。劍拔弩張之槩。大失清寒瘦逸之致矣。我故有取於倪沈也。

錢大年史嗣彪

錢大年字松芥。號半舟。嘗渡海。遭颶風。桅傾舟截。爲兩。大年棲於後半。遇救得免。因自號半舟。南通州人。雍正壬子舉人。山水筆意軒爽輕快。學兼天文。其同年生史嗣彪字班如。號霽岩。金壇人。山水暈潤有氣。善書。端楷而敏。一日可書萬字。乾隆丁丑。欽取內閣中書。卒於官。

姜恭壽史鳴臯

姜恭壽字靜宰。號香巖。又號東陽外史。如臯人。乾隆丁卯舉人。善花草竹木。縱逸瀟灑。脫去時習。其同里研友史鳴臯字荀鶴。號歷亭。畫筆與恭壽相上下。以辛未庶常。改授昌化知縣。今調象山。

曹源弘曹相文

曹源弘字天來。號甫田。嘉善人。工花鳥。好合寫天竹水仙。名天仙圖。索之者衆。應酬既多。遂獨擅其長。鈎勒賦色得宋人意。子相文繼之。

戴古巖 吳生附

戴古巖吳縣人山水專樵唐六如筆而未嘗自題其名。一生之畫皆託六如以專厚直余曾於友人齋見所藏六如手卷小大計三卷其兄亦藏有兩卷形色頗類甚異真蹟太多今乃知有戴氏臨摹也收藏家當具慧眼辨之然古人於法書有買王得羊不失所望之謠則買唐得戴亦未為大失也其同里有吳生者忘其名花草仿暉南田其題款字蹟亦咄咄逼真有骨董客館於家閉之密室圖成假名壽平以售而厚遺吳吳亦賴之後有人見之歎曰子有此畫筆何不自名因自題其名以售竟無售之者仍託於暉吳人摹古蹟為贗本實能亂

真米南宮嘗云吳中假黃荃者不能辨蓋自昔然矣然此輩但能臨摹若自運即惡於法書亦然

易祖杖

易祖杖字張有相鄉人善墨竹不專師法頗有瀟灑之趣館於慎邸仕為郡參軍終於粵西余曾於武林宗陽宮道院壁間見其小幅後晤吳興太守沔陽李也升為道其爵里錄之

黃壁

黃壁號小癡潮陽人善山水意在梅華和尚也故題款亦作草書

錢界

錢界字主恒號曉村香樹司寇胞弟行四母太夫人陳
見前工寫生界幼嘗習之不竟其業中年見倪雲林細
 竹怪石愛而習焉生硬多逸致絕無煙火氣披賞間命
 人心氣俱靜雍正七年以諸生應保舉知醴泉縣調繁
 寶雞以內艱歸服闋補吉安永豐縣調繁廬陵以最遷
 歸州牧未幾又以最晉施南府同知所在大有惠政後
 以筆誤引見仍回湖北以同知用未及任而歿無子
 貧不能具棺殮伯兄司寇聞訃立遣子赴武昌迎柩歸
 以第子嗣而經紀其喪焉香樹有哭弟詩云那有胡

威絹惟餘范甌塵其清身苦體實錄也。

朱雲燦

朱雲燦劉塞翁附

朱雲燦號尋源明遼藩分支宜陽後裔家江陵善山水
 師同里郭士瓊見卷上用筆爽邁勁健率性進取好作小
 卷頗有逸致又善畫馬古來畫馬尚勾勒次渲染尋源
 以逸筆灑墨頃刻成十數匹而神駿之姿各具藝苑之
 獨闢也尤工畫魚亦以逸筆灑墨稀微隱現與波光荷
 藻相動蕩命觀者有濠梁之樂足以傳矣平生好遊凡
 名山必圖之於泰山作全圖一分圖十六并記梓行之
 於黃山每景作一圖凡四十八圖為一冊於西湖作長

卷起雲林終昭慶後以意綴天台石梁錢塘江潮以寄其興所著有畫鏡一卷行世從兄雲輝字天霞號曙園善花鳥山水名聞荆楚性傲岸不合時趣老於布衣又劉塞翁潛江人工翎毛尋源稱其筆有生氣大抵不爽附之

鮑楷

鮑楷字端人號棠村嘉興人僑居維揚少工花草師法南田後客沈凡民凡民見前錄署遂事山水疏朗秀潤得古人意惜知之者少境甚困然有此造詣終必有遇所慮者為馮唐耳

金農

金農字壽門仁和人好古力學工詩文持論不同流俗精鑒賞善別古書畫真贋好遊客維揚最久年五十餘始從事於畫涉筆即古脫盡畫家之習良由所見古蹟多也初寫竹師石室老人號稽留山民繼畫梅師白玉蟾號昔耶居士又畫馬自謂得曹韓法趙王孫不足道也近寫佛像號心出家齋粥飯僧其布置花木奇柯異葉設色尤異非復塵世間所觀蓋皆意為之問之則曰貝多龍窠之類也所著有冬心詩鈔行世無子妻亾遂僑居維揚不復作歸計矣

汪溥胡奕烜

汪溥胡奕烜皆不知何許人溥山水清潤冷雋字永思號芝田又號問政山樵奕烜花草賦色倣北宋法明艷可愛字觀光適見二人畫扇錄之

沈映暉沈承煥

沈映暉字朗乾號庚齋歲貢生華亭文恪公荃之族姪孫好古工詩文山水傳獅峯一脉清矯拔俗後博覽宏採超然別有會心其內兄助教陳楓厓愛其畫嘗攜至都質之東山董少宰深加獎賞謂得宋元大家風度承煥字文陶號炳君善花鳥古雅秀潤工詩及詩餘

釋道濟

道濟字石濤號清湘老人一云清湘陳人一云清湘道人又號大滌子又自號苦瓜和尚又號瞎尊者前明楚藩後也畫兼善山水蘭竹筆意縱恣脫盡窠臼晚遊江淮人爭重之一時來學者甚眾今遺蹟維揚尤多小品絕佳其大幅惜氣脈未能一貫

釋普荷

普荷一作通荷號擔當雲南晉寧州人唐氏子名泰字大來年十三補弟子員天啓中以明經入對大庭嘗執贄於董思白之門過會稽參雲門湛然禪師回滇未幾聞中

原亂遂薙髮。從無住禪師。受戒律。結茅雞足山。工詩。有脩園集。儒生時作。擬菴草。則出世後詩也。善畫。取法于雲林。其自題云。太半秋冬識我心。清霜幾點是寒林。荆關代降無踪影。幸有倪存空谷音。又云。老衲筆尖無墨水。要從白處想鴻濛。可以得其意矣。

釋輪菴于宋

輪菴法名超揆。俗姓文氏。名果。中翰震亨子。文肅公姪。父歿。家落。走京師。佐總戎桑格。定滇逆。得官。不仕。旋薙髮。善詩。文筆札。工書。畫山水。多寫平生遊歷之名山異境。故能獨開生面。不落時蹊。

聖祖南巡迎。駕召入京。恩賚優渥。年七十餘。示寂。賜塔玉泉山。予謚文覺禪師。異數也。又文肅公家曾孫于宋。名本光。生卽茹齋。五歲擗管。作大士像。年二十。皈依靈巖。繼起和尚。後遊京師。卓錫磐山禪院。前後起建精舍數十楹。善畫山水。守家法。設色淡雋。兼工寫真。年八十餘。歸葬其父母。卒於竺塢山堂。卽文肅公故廬也。

釋成衡

成衡善山水。康熙間嘗供事內廷。聖祖賜大臣書扇。後面多衡畫。欸題臣僧成衡謹寫筆

亦古雅。蓋取法於王少司農。

釋上睿梵林附

上睿字目存號蒲室子。工山水。布置深穩。氣暈冲和。嘗與王石谷同遊都門。蓋得其指授者。自是能品。詩亦工秀。宗門中工筆墨者。目存其傑矣。梵林山水有南宗二家卷。一雲林。一梅華道人。為時所稱。好雲遊。常在禾中。余嘗求其遺蹟。不槩見也。

釋明中名一附

明中字大恒。號焚虛。俗姓施。桐鄉人。幼薙度于禾中楞嚴寺。雍正間遊京師。得法于無礙永覺禪師。歸住杭州。

聖因寺。兼攝天竺講席。乾隆丁丑春。移主南屏淨慈。今上南巡。蒙賜紫衣。性好畫。嘗謂結習未能除。山水得元人法。信手運綴。氣味清遠。兼善寫生。人不能求也。善詩。與舒明府雲亭最契。合倡和尤多。白蓮住持僧名一號雪樵。嘗學其詩畫云。

閩秀金淑脩

金淑脩。明隨州牧。殉難。贈太僕卿。徐世淳長子。肇森配。善山水。局度軒敞。有丈夫氣。不輕作。故流傳甚少。子嘉炎。舉康熙己未博學鴻詞科。入史館。官至閣學。累贈太夫人。

閩秀文倣 趙昭附

文倣學博彥可女。趙凡夫子婦。靈均妻也。夫婦偕隱寒山。倣善花鳥草蟲。嘗作寒山草木昆蟲百種。曲肖物情。亦能寫蒼松怪石。筆頗老勁。吳中閩秀工丹青者。三百年來。推文倣為獨絕。云無子。一女名昭。字德隱。字平湖。馬氏寫生工秀。兼長蘭竹。不愧家學。父母歿。昭歸葬之。乞錢牧齋誌其墓。志語無字而有子。善昭也。

閩秀馬荃

馬荃字江香。扶義孫女。扶義見前錄工花草。妙得家法。一葉一花。人爭珍之。適當熟。以節重於里。江香曾祖父

燕下脫字

貧父南平。皆善寫生。蓋四世矣。

白苧村桑者曰。余素聞扶義寫生。而未之見。故前錄附著於暉南田後。乾隆二十三年冬。薄遊太倉。於居停見其畫冊。自題謂得包山石田遺意。觀其超縱處。誠有陸氏風槩。而老健遠遼。石田蓋能品也。世人誇重。未免過情。

閩秀蔡含。金曉珠

閩秀蔡含。字女羅。吳縣人。如臯。冒辟疆姬也。生而胎素。性慧順。好畫。兼善山水花鳥。魚長於臨摹。嘗作松圖。巨障。辟疆作長歌題其上。一時名人和之。又嘗為墨鳳。

圖題者頗衆。詩俱刻入同人集。辟疆姬人又有金曉珠名。珊崑山人。居染香閣。亦善畫。曾臨高房山小幅。得其氣暈。時稱冒氏。兩畫史。女羅歿。汪懋麟爲之銘墓。而諸名士錫以輓詩。亦可以不沒矣。

閩秀王正 下氏附

閩秀王正字端淑。江都人。善花草。布置工穩。能詩。受業於徐少宗伯倬。後入都。馬相國齊延教其女。又三韓卞氏。大中丞永譽女。善花草。賞家稱其工。中丞好古精鑒。著有書畫彙考。行世。宜其女之工筆墨矣。惜未之見。附錄侯訪。

閩秀俞光蕙

俞光蕙字滋蘭。海鹽人。少司農穎園孫女。穎園見于殿前錄。于殿撰敏中字耐圃。淑配以覃恩封。友人性好畫。年七歲寫折枝花於壁。司農見而異之。長受法於錢太夫人陳書。太夫人見前錄。太夫人子司寇司農姪女倩也。以親串往來。指授自是益進。筆致清穎。古秀布置亦大雅。乾隆戊辰耐圃視學浙江。庚午春。宜人卒於官舍。

閩秀惲冰

惲冰字清於。南田之女。善花草。得其家法。名於吳中。適同里某。子四人。皆傳其學。

閩秀孔素瑛

孔素瑛字玉田聖裔毓楷女。占籍桐鄉。適烏程貢生金某。善寫花鳥。有機趣。能詩。有飛霞閣詩集。蘭齋題畫詩跋共十三卷。

閩秀丁瑜

丁瑜字懷瑾。錢塘人。父允泰。工寫真。遵西洋烘染法。懷瑾守其家學。專精人物。俛仰轉側之致。極工。適同里張鵬年。亦善畫。

閩秀姜桂

姜桂字芳垂。號古研道人。孝廉本渭。季女。行人塚曾孫

女也。父母許張氏子。聘未婚。張卒。桂時年十九。聞計欲自經。父母許其守節。乃不死。未幾翁姑相繼歿。無可歸。矢志於室。貞女也。通經書。善畫山水。乾筆疏秀。嘗見其小幅。自題云。暖風晴日值良辰。窗外梅花數點新。更想林泉清淑致。山光樹色寫初春。又記云。仿元人惜墨法。惟舊紙得墨。始有氣韻。佳紙難覓。太幅更罕。茲幀細潔。又平拓者。再而紙性粹。難融化。淺深濃淡。頗費經營。而筆不達意。欲貌似古人。而不可得多。愧觀此。足以知其學力有所得矣。

閩秀汪亮

汪亮字映輝號采芝山人。柯庭孫女。柯庭見幼喪父聰穎好學多藝能留心典籍善詩尤好六法私淑清暉老人輕雋秀潤設色淡雅其一種清逸之致頗覺出塵自得適吳興費氏今移家嘉興。

閨秀鮑詩

鮑詩字今暉平湖人。別駕怡山次女。怡山有四女。皆知書善畫能詩。徽州老諸生程立巖名之廉者。善山水花草。來遊東湖。姊妹從之。專學花草。傳白陽法也。今暉筆尤長。適余族姪徵士雲錦。有鶴舞堂小稿一卷。在家時作。吾亦愛吾廬詩鈔一卷。乃與徵士倡和詩。造句幽秀。

攸縣彭湘南采入 國朝詩選。

明人附錄

黎遂球袁樞

黎遂球字美周番禺人。天啓丁卯舉人名在復社。唐王以爲兵部主事。死贛州之難。善書畫。山石林木蒼老風秀。嘗爲南昌萬徵君漑園華時作山水圖。題云萬茂先齋頭得高麗紙一幅。乃姜燕及學士使朝鮮歸所貽。余從陳士業飲過宿茂先。因爲作畫并題其上。長白遙遙鴨綠煙。使臣回首別朝鮮。陟釐空在輿圖去。爲補林巒共愴然。所著有周易爻物當名二卷。蓮鬚閣集。其賦黃牡丹詩最馳名。

袁樞字伯應號環中別號石憲睢州人父可立明大司
馬卽萬曆中直言削籍天啓時忤璫再削籍者也吳次
復錄所樞以陰官刑曹終養在籍崇禎末流寇犯境樞
破家資大勞鄉民禦寇保城有功南都起爲睢陳道歸
之任未幾復還南都卒樞博學好古精鑒賞家富收藏
工書畫爲華亭董宗伯孟津王覺斯所推許山水出入
董巨子久間光華清寂其樵梅華道人所臨巨然蕭翼
賺蘭亭圖氣韻冲澹綽有古趣今藏同里蔣郎中泰家
所寫折枝花有白陽山人風致余遊睢見先生遺墨及
所藏舊蹟皆精雅其風期略可想見而郎中文爲余述

先生生平遂慨慕景仰無已云。

白苧村桑者曰黎君袁君皆前明人也而向之輯譜者
未之及黎君雖爲竹垞宋太史收入詩綜而不及其畫
余以二君旣不可入是編又恐或湮沒故附著之以備
後人採取焉

尾藩書肆東壁堂藏版目錄 名古屋本通 永樂屋東四郎

劉向說苑纂註 關玄洲先生著 全四冊

律數揚榷 同右 全三冊

補義莊子因 秦澹浪居士著 全三冊

今世說 同右 全四冊

古詩紀古逸之部 同右 全五冊

詩韻含英平聲之部 同右 全三冊

同摘註 同右 全三冊

同灰聲之部 同右 全三冊

蒙求續貂 恩田危園先生著 全二冊

重修韻畧 同右 全一冊

懷寶三重韻 同右 全一冊

掌中三重韻 黃揚版橫本 全一冊

懷寶以呂波韻 同右 全一冊

袖中以呂波韻 橫本近刻 全一冊

大學參解 鈴木叔清先生著 全一冊

謝菴遺稿 同右 全一冊

劉向列仙傳 岡田暢園先生著

全一冊

夏小正

全一冊

鄭玄註孝經 岡右

全一冊

四書集註 道春撰

全十冊

常語數 岡右

全一冊

牧民忠告解

全一冊

畸人詠 岡右

全一冊

女誠和解 樋口萬山先生著

全一冊

秉穗錄 岡右

全一冊

宣和集古印史 千秋餘先生著

全一冊

同二編 岡右

全一冊

掌中聯語苑 荳園先生著

全一冊

彼此合符 岡右

全一冊

初學詩材 川内先生著

全二冊

物數小謂 岡右

全一冊

文字竅 齋石天基著

全一冊

易經

全一冊

日本歌物詩 伊藤先生著撰

全三冊

早稲田大学図書館

011888009410